

第一七五冊

方輿彙編

職方典

南寧府部

太平府部

思明府部

鎮安府部

泗城府部

雲南總部

(卷)

一四四一—一四六六

一四六七—一四八八

一四八九

一四九〇

一四九一—一五〇二

一五〇三—一五二四

古今圖書集成

中華書局影印

古今圖書集成
博物彙編
人事典

卷一百一十五
雜考

古今圖書集成

卷一百一十五

欽定古今圖書集成方輿彙編職方典

第一千四百四十五卷目錄

南寧府部藝文一

黃家賊事宜狀

唐韓愈

爲裴中丞奏邕管黃家賊事宜狀

柳宗元

爲裴中丞乞討黃賊狀

前人

爲裴中丞伐黃賊轉牒

前人

馬退山茅亭記

前人

京觀記

宋秋青

議邕管邊事

張杖

海棠橋記

劉受祖

易安軒記

明陳大綸

青山記

前人

最高臺記

陳瑾

方水橋記

鄧國材

朝煙閣記

無名氏

白雲精舍記

前人

烏蠻瀧夜談記

方瑜

南寧青山記

陳瑾

竹味庵前記

吳時來

海棠祠記

前人

烏石書院記

陸應贊

遊空洞巖記

張佳引

雄龍山記

徐浦

新建四都營記

孤鶴亭記

心遠亭記

清風館記

前人

前人

職方典第一千四百四十五卷

南寧府部藝文一

黃家賊事宜狀

唐韓愈

一臣去年貶嶺外刺史其州雖與黃家賊不相鄰接見往來過客并諳知嶺外事人所說至精至熟其賊並是彝獠亦無城郭可居依山傍險自稱峒主衣服言語都不似人尋常亦各營生急則屯聚相保比緣邕管經略使多不得人德既不能緩懷威又不能臨制侵虜繫縛以致怨恨蠻彝之性易動難安遂致攻劫州縣侵暴平人或復私讎或貪小利或聚或散終亦不能爲事近者征討本起於裴行立陽旻此兩人者本無遠慮深謀意在邀功求賞亦緣見賊未屯聚之時將謂單弱立可摧破爭獻謀計惟恐後時朝廷信之遂允其請自用兵以來已經二年前後所奏殺獲計不下二萬人儻皆非虛賊已尋盡至今賊人依舊是明欺罔朝廷邕容兩管因此凋弊殺傷疾患十室九空百姓怨嗟如出一口陽旻行立相繼身以實由自邀功賞造作兵端人神共嫉以致殃咎陽旻行

立事既已往今所用嚴公素者亦非撫禦之才不能別立規模依前還請攻討如此不已臣恐嶺南一道未有寧息之時一昨者併邕容兩管爲一道深合事宜然邕州與賊逼近容州則甚懸隔其經略使若置在邕州與賊隔江對岸兵鎮所處物力必全一則不敢輕有侵犯一則易爲逐使控制今置在容州則邕州兵馬必少賊見勢弱易生姦心伏請移經略使在邕州其容州但置刺史實爲至便一比者所發諸道南討兵馬例皆不諳山川不服水土遠鄉羈旅疾疫殺傷臣自南來見說江西所發共四百人曾未一年其所存者數不滿百岳鄂所發都三百人其所存者四分纔一續添續死每發倍難若令於邕容召募添置千人便割諸道見供行營人數糧賜均融不以歸諸田州而照舊屬之南寧則遐荒小民與官府日相親近自然感恩從化無復向者之魚散而鼠匿矣

爲裴中丞奏邕管黃家賊事宜狀

柳宗元

右今月四日邕管奏事官嚴訓過稱押衙譚叔向等與黃家賊五千餘人謀爲翻動雖已誅斬猶未清寧當時差本道同十將某至邕管界守賓州以來迎探事宜兼爲聲援昨得十四日狀并嚴訓狀報同其黃家賊並已退散各歸洞穴訖伏以鼠竊狗偷非足爲患陛下威靈遠被神化旁行遂使姦猾之謀先期而自露回邪之黨不戮而盡夷伏恐飛章已達告語未聞尚軫天心猶煩廟算臣謬居方鎮忝接疆界所得事宜不敢不奏

爲裴中丞乞討黃賊狀

前人

某材質無堪授任非次當有事之日忠懇莫施遇成功之辰慚憤空積陳力之志誓死不逾伏惟仁恩終賜展效今者中華寧謐異類服從惟此南方尚餘寇孽伏以黃少卿等憑培塿以自固合莖脆以爲強劫脅使臣侵暴列郡雖狐鼠之陋無足示威而蜂蠆之微猶能害物必資翦伐方致和平庶盡驚蹙之勞以答恩榮之重撫心踴躍夙夜不寧私布丹誠敢期明鑒無任感激屏營之至

爲裴中丞伐黃賊轉牒

前人

當管奉詔與諸管齊進誅討邕管草賊黃少卿漢軍馬步等若干人各具兵馬數及軍將若干前牒奉處分竊以天啓昌期大功畢集神開興運徵惡盡除黃少卿等歷稔逋誅舉宗肆暴恃狡免之穴踰伏偷安憑孽孤之丘跳跟見怪以爲威弧不射天網可逃侵逼使臣墮犯王略恣其毒虐速我誅鋤敵國盡在於舟中還師已期於席上謂宜投戈頓顙面縛乞身歸郡邑於王官效黎獻於天吏而乃繕兵補卒增壘閉途正當天討之辰更積鬼誅之罪衆輕鬪蟻勇劣怒蛙纖縞當強弩之初孤豚債肥牛之下事同拾芥力易摧枯杪忽蜂腰虛見辱於齊斧突梯鼠首濫欲寄於旄頭勦絕有時不索而獲某拱稽致命執銳忘生車甲旣備於小戎鯨鯢豈逃於誅戮竊觀上略總制中權戰士義激於身心列校勢成於臂指蹶張之技盡出於山林拔距之材徧徵於川洞賞懸香餌令布疾雷莫不鼓舞戎行虔恭師律投軀不愆於羽檄跂足惟俟於牙璋今月某日奏事官米蘭迴捧受詔命神飛首勇足蹈心馳懽聲洽於萬夫勝氣橫於千里

國容不入屢且及於寢門家事勿聞土已填於左闔即以月日全軍出次分道並進所期戮力敢告同心孔大夫貞直冠時清明格物全體許國一心在公兵精食浮爲日固久容府楊中丞以義烈爲己任勦襲太常安南李中丞以襲武爲家風業傳彝器並膺邦寄克達皇威南則浮海濟師共集堂堂之陣東則橫江誓衆用成善善之功以此鼓行坐觀盡敵刑惟勿喜誅有可哀徵側之勇冠一方竟就伏波之戮呂嘉之威行五嶺終摧下瀨之師嗟此陋微自貽擒滅勉成良畫速致殊勳雖荒微之地固不勞於有征而昇平之年將自此而何事書之竹帛實謂揚名事須移牒鄰管以成犄角

馬退山茅亭記

前人

冬十月作新亭於馬退山之陽因高丘之阻以面勢無構櫺節稅之華不斲椽不剪茨不列牆以白雲爲藩籬碧山爲屏風昭其儉也是山卒然起於莽蒼之中馳奔雲壘互數十百里尾蟠荒陬首注大溪諸山來朝勢若星拱蒼詭狀綺繪錯蓋天鍾秀於此不限於遐裔也然以遠接荒服俗參彝微周王之馬跡不至謝公之屐齒不及巖簷蕭條登探者以爲嘆歲在辛卯我仲兄以方牧之命試於是邦夫其德及故信孚信孚故人和人和故政多暇由是嘗徘徊此山以寄勝槩乃堅乃塗作我攸宇於是不崇朝而木石告成每風止雨收煙霞澄鮮輒角巾鹿裘率昆弟友生冠者五六人步山椒而登焉於是手揮絲桐目送還雲西山爽氣在我襟袖以極萬類攬不盈掌夫美不自美人而彰蘭亭也不遭右軍則清端修竹

蕪沒於空山矣是亭也僻介關嶺佳境罕到不書所作使盛蹟鬱湮是貽林澗之愧故志之

京觀記

宋狄青

大宋皇祐四年夏五月廣源州賊犯邕州陷之江流暴漲東陷九城遂至廣州廣人怯戰登城自固賊將駐兵圍城攻之五旬雲梯土山極肆其巧城堅不能下乃還經途復殘二郡覆四將再入於邕凡害將佐三十餘人楚越騷然矣朝廷憂之君臣爲之肝食樞密副使狄青抗章請行願授成筭上重其誠從之先是命樞密直學士孫沔入內押班石全彬同本路經略使余靖經制盜賊命青以宣徽使都大提舉總其節制明年正月己未青帥三將兵至邕州歸仁鋪賊衆出城拒戰大敗之騎兵追奔十五里所殺蠻衆二千二百餘人僞署侍郎黃師宓等腹心將領五十七人死於戰賊首儂智高其夜焚城自遁詰朝引兵進城俾供奉官賈榮就戰場斂賊屍而殮之爲一塚於歸仁鋪之側又遣郴縣尉歐有鄰聚衆傷還城而死并活擒而戮及奔而蹂踐燔灼者三千三百二十八人爲一塚瘞之於城北三月有詔築其地爲京觀乃命立石以志其伐銘曰庸臣司邊率職不虔盜起其間蠢爾異類藏亡納叛以輔狡頑窺茲無備乘虛襲怠遂肆兇姦順流而東列城皆空嶺表騷然師徒桓桓失勁摧完天下惻然帝命樞臣握節屬韃拯墜緩殘師行以律賞罰貴必其謀乃專兵家之勢動靜有制所擊無堅吁嗟羣醜徃於常勝敢當其前驅彼犬羊敵此熊羆血膏於原棄甲如山遺骸草野百里腥膻武功外揚仁心內憫念及幽泉肩髀之葬京觀之

封銅柱齊天大聲遠振皇澤重宣永鎮羣蠻

議邕管邊事

張栻

張栻知靜江府奏議邊之郡九而邕管爲最重邕所管幅員數千里而左右兩江爲最重自邕之西北有牂牁羅甸自杞而南有安南諸國皆其所當備者然邕之戍兵不滿千人所恃以爲籬落惟左右兩江谿峒共八十餘處民兵不滿十萬首領世襲人自爲戰如古諸侯民兵之制其去邕管近者三百里遠者僅千里所恃以維持撫治之者惟提舉盜賊都巡檢四人各以戍兵百餘爲谿峒綱領其責任可謂不輕矣可不遴選其人謹護其土以爲遠方久遠之計哉

海棠橋記

劉受祖

橫州古寧浦郡也西北有溪曰香稻南會於鬱江跨溪有橋南北舊多海棠紹聖間秦淮海先生以御史劉極論其增損實錄謫柳移橫是時常醉於橋畔書生祝氏家明日題一詞有瘴雨過海棠開之句州人因以海棠名橋歲月浸久興廢不齊更名去思又更名清秋淳祐六年夏右驍騎將軍李公植來守是邦捐貨帛三萬率州之官吏士民共新之經始於是年之十月落成於次年之四月橋長一十五丈高二丈二尺雖春濤秋潦民無病涉之嗟霽月光風士有咏歸之樂長虹飲澗靈鷲駕空殆庶幾焉郡之士夫率咨於受祖曰寧浦僻且陋淮海先生辱居今之言寧浦者必曰海棠橋言海棠必曰秦淮海是州以海棠橋重橋以秦淮海重橋名海棠未可更也受祖答曰橋名海棠以淮海故也士不忘淮海將何取焉爲其花間一醉吟耶爲其放浪形骸之外耶爲其九經指

授作文皆有法度可觀耶是知其然而未知其所以然也元豐初淮海如京師應舉以詩謁東坡於徐東坡和之曰縱橫所往無不可知君不可以新詩蓋當是時學有新義政有新法雷同附和倒置通顯淮海窮困無聊中東坡已知其介然獨立之操不以富貴利達動其心矣夫志氣之帥也士當未遇時志苟不立則阿意而苟合妾婦以取容有小遇焉未有不誘於勢利怵於憂患者淮海在元豐又嘗爲王安石所知安石得其詩讀之而不釋手淮海稍自貶損高官厚祿可坐而致也淮海不炙手於安石之門而北面於東坡之室文章行誼並駕山谷諸公間元祐初坡谷繼進淮海以次錄用而紹聖之事作矣淮海之在紹聖猶元祐也當其醉眠花下又安知身在寧浦耶昌黎嘗謂孟郊卒不弛有以昌其詩蘇東坡曰不如昌其志志一氣自隨養之塞天地孟軻不吾欺淮海蓋有得於此矣或曰古之君子吹歆不忘其君淮海脫屣軒冕肆情放志於宇宙間高則高矣非古人不忘君之意也予應之曰子獨不觀寧浦書事之詩乎揮汗讀書不已人皆怪我何求我豈更求聞達日長聊以消憂淮海何憂乎詩云知我者謂我心憂不知我者謂我何求紹聖以來羣賢迸斥姦夫竊柄剝牀而膚可虞城圯而隍可復淮海之憂蓋在是耳在天

下者不忘其憂在吾心者不改其樂淮海之志惟主於憂國憂民故淮海之氣不詘於流離遷謫孟子曰志一則動氣此淮海之所以超逸絕俗者歟因橋之名以求其實因淮海之迹以求其心受祖所望於橫之士君子也衆皆曰然請記之

易安軒記 明陳大綸

南寧粵之奧區也粵界南荒列郡風土與中州迥異故自昔宦遊者多不樂來此壬戌四月余以戶部郎出守是郡知交爲余嘆息謂非所宜雖余亦未遂釋然也比至而矚其疆域諏其風俗則四山環合去城郭稍遠川原曠朗而瘴癘非所憂適歲初登防禦有備盜賊蛇虺之害屏息而遠遁且僻處一隅使賓客旅所不至無往來送迎之勞其風土迥然又與別郡異而余心始安焉已而臨民視事尋往績索民隱於其利病之所在宜者輒行太甚者罷蓋未三月郡民翕然幸新守之不擾也亦皆安於市野不震不貳以服習其政教噫豈荒遠龐樸之郡爲之守者非必高明才智雖迂拙如余者亦足以任之而無疚於民歟然莫之知也余於是則又思安不可懷也一郡之事百責攸萃雖朝夕勞動靡遑啓處猶有壅滯闕失孰能以燕安處之况余之來也去家與國殆將萬里瞻天望雲展轉於懷憂譏畏譏殆不可以終日而欲彊以爲安夫豈其然乎乃若奉天子明命綏柔斯土使遠近之間安於無事又以親之遺體優游假息得免於勞憊疾苦之患而怡然以自得若是雖謂之安可也郡治之後有屋四楹爲燕息之所狹小僅可容膝乃題之曰易安以見余之安斯土與斯民之所以安於余者皆從其所易而無過望之意也爲是說以記之

青山記 前人

粵西奇山水大都在西北而東南罕稱焉邕東南郡也其水鬱江其山奇者曰青山山當郡左去郭可十

里厥背負陰厥面迎陽厥陰介陸厥陽臨江客遊舟而登者良便云山勢自東南來連徂西北迤若蛟蟠矯若鳳翔一名鳳頭山其左有蛟潭今聚大魚噴渾水有聲離潭里許爲山麓遊者從中而上有石級級數仞一門累石而成是曰石門門之上有大巖里父

老緣而屋焉屋凡三楹四面皆石楹可容數十人巖氣從屋中騰騰上命之曰煙崖石屋屋右道狹而峻有石壁蒙煙蘿俯眺鬱江殊清曠是爲滄嶼小覽壁傍循級而登有巖層而窟者再命之曰雙斗巖其頂爲平疇云屋左道甚坦厥石削如屏者稍聳峻道上行可三十步有泉從石中出清若水晶甘若露凝冷泠然晝夜不舍於是客或顧而心賞焉郡守亭其上命之曰混混亭下有臺臺外有池種蓮是曰清蓮池出亭緣坦道而登爰達平疇平疇者謂山平衍若田疇也疇上亂石疊出中夾青松百株旁種蒼梧覆方池爰有村民數家巢其脈宛若僊家左臥僊人沖退石印挖履跡俗呼爲僊人履其方而躡者介蕪苔間題曰松風水月循疇而登有寺曰妙超寺寺右有巖甚奇命之曰太虛巖巖上石乳滴成池是曰天池蓋泉脈也巖中有洞曰元洞洞有門曰元元門緣門側足而上有石壁一片厥形平厥色赤命之曰天南赤壁壁鋪平臺寺出其下爰臨而眺其面五象峯朝焉天覆如蓋江環如帶於時客又顧而心賞焉郡守作小亭通四面客因名之爲浩浩亭蓋援浩浩其天之義亭之下有小巖峙其左是曰卷石巖巖左復有坦途行人遶出其背所謂負陰介陸者也其東沿途而上大塊聳然遙挾岡脊有古石佛在焉是爲山額蓋

赤壁爲鼻寺爲項平疇爲大腹而源泉斗巖夾其雙腰鬱江圍其四面厥脈連如貫珠以故山不高而秀水不深而清較視西北之險峭爲善云舊名青秀山今日青山蓋從本象

最高臺記

陳瑾

南寧郡城之西有土一區聳然特起如岡如阜下視塵塵闐闐若蟻蛭傳聞爲梯雲閣舊址然不可考但其地勢突兀超拔巍然孤峙非惟快遊之士有洞心駭目之觀卽有警便瞭望焉亦一郡雄勝也先是郡二守張公貫構臺其上草率未備予巡邕之明年爲之增垣闢關前隙地稍廣其制視昔頗稱美矣每良辰延賓登賞因得以縱觀其勝槩但有時晴空霽日孤嶼遠橫斷嶂連巒諸峰拱揖至於青羅二山之勝亦皆環列拜伏其下如几如席而臺之前後復有佳木繁陰翠篠敷郁俯瞰城之居民負者休行者歌老者扶壯者矯商賈市肆嬉嬉焉咸得其所登之者未有不心曠神怡精爽飛越若挾翅於千仞之上者焉夫粵西諸郡要惟邕城爲高而青羅二山又郡之擅名者而是臺乃獨超然於二山之上特出一城之表命之曰最高臺名斯稱矣然竊惟自古羈遊之士寄跡寓土必有名勝之地以疏暢其情性若陳公之凌虛庾老之南樓雖其興致不同而憑高嘯詠托物愜懷無二也况斯臺有裨封守又不獨游觀之具而已乎僉謂不可無記遂書之以屬守邕者

方水橋記

鄧昭

橫州古南簡州也郡北去城十里有溪曰方水其源自北鄉歷從化東會清江南合月江遠流於海溪上

舊有橋久雨夏潦徒涉病焉橋下之水有石魚焉古者相傳曰翔雲橋成石魚生羽翼方見異人出乃鄉人之謠也宋紹興間嘗見沙莽莽而升氣紛紛而起乃石魚之舉動耳一日驟雨忽過石魚忽騰時有滕獬李會龍章三進士相繼登科第因以翔雲名橋年邁月移水衝石傾橋圯時人伐木代之更名方水又不知幾百年也末樂庚子仲冬橫州守徐公會政暇之餘語及橋事欲以石砌而易柱水之架欲以翔雲而易方水之名士庶者彥吏胥聞之皆樂各捐已俸資帛鳩工鑿石經營經始於是年十二月落成於次年二月橋長四丈五尺闊一丈六尺若長虹之飲玉澗靈鵲之駕銀河雖春漲秋潦而過者無深厲淺揭之嗟又越月郡民率請於予曰時世有更變人物亦有更變理勢之必然者而橋乃一物耳烏得無更變邪更之之道在約古準今允合人心天意斯爲萬古耿耿不磨之蹟異哉斯橋石魚成翼飛騰霄漢正猶春風桃浪而金鱗玉尺潑刺雷雨跳躍龍門崢嶸頭角祥兆士類項背相望接跡承芳三登進士而翔雲橋名有所驗矣今橋既成新名既復深得古人造橋取名之義願丐一言勒諸堅珉俾千萬載之後郡之士君子往來登斯橋之上觀斯橋之水讀斯橋之碑知斯橋之所以構振興奮發超越前輩是亦不言之教溢乎後矣予何言惟述此以告於將來云末樂辛丑十一月吉日

朝煙閣記

鄧國材

橫故多山唯寶華最勝騷人羽客每心賞焉山聳而奇靈而秀鬱葱而偉巘清而泉冽朝雲鎖額暮月落

懷仰鄰三台俛井六合突然一隅而寓宙歸眼底高
不上數仞登之者飄飄疑羽化而僊疑眸北眺城郭
隱然月江綿眇又無異九霄之下瞰人寰也當另作
一世界奈荆萊未闢僅惟耕樵能到遊蹤斬焉余藉
宦歸餘閒始與一二物外客披蒿刈蓬振衣其上時

風微霧斂日旭山清朝煙正騰余與客臨焉遨覽之
餘見其氤氲山谷出入天地而會靡礙也喟然嘆曰
至哉煙乎幻可怡神真可養生余其閣此矣古人一
丘一壑自足此庶幾乎客啞然笑顧余謂曰天下莫
真於形而形狀爲幻况閣此不可形狀之煙於一朝
是何間重輕之較彼幻而子欲真之索也曰不然凡
物有形者盡累也且真幻亦安所常形焉以爲真也
則逝者其如斯以爲幻也雖天地之寒暑晦明古今
之元會運世與夫人事之得失推遷亦孰不與朝煙
同泡影於一瞬也雖然形而索之若朝烟則誠幻矣
山能興煙而不能留之終日煙能爲山勝而不能自
有其形於一朝人盡知其幻之爲幻也而不知惟不
終日也故洩之也廉出之迺不貸惟不自有其形也
故藏之也虛運之迺不窮近觀之若不崇朝推之以
至於極十二萬九千六百年之久而未嘗不沉滯迹
履之會不盈咫擴之渺渺茫茫磨盪於空與虛之間
三十八萬七千里而未嘗不磅礴其升也有時不以
午辰而更候其生也有地不以陵谷而易源蓋幻也
而有所爲至真者存是以虛不墮冥色不著相久而
不錯其度變而不失其常用能混混冥冥而與至道
合妙彼夫據一二勝蹟以爲爽神情豁心目之資皆
其形之幻而不足真者將樵夫耕叟與夫騷人羽客

者流先陳芻委之矣子欲拾之邪客曰善吾迺今於
朝煙之興識吾真也請遂閣之工肇於歲乙巳陽月
之朔八閱月落成高取足以偃仰寬取足以周旋於
焉養生亦於焉怡神今而後煙也閣也余也夫又烏
知其果孰真孰幻也

白雲精舍記

無名氏

青秀山在邕郡東十里山嶽然高石嶙然瑰而奇也
山之腰有甘泉清冽可食山之麓則江水匯流瀾漫
浩渺爲巨浸山舊有寺歲久頽圯獨合抱老松數十
枝挺秀與此山竝青竊意青秀山之所以得名或此
是山雖未擅美載籍然其龐互延袤形勢甲於諸山
亦邕南一名勝也幼海董先生以忠諫謫居於邕時
常杖履此山吟味嘯眺以發舒忠君愛國之情邕之
守既於泉之畔構亭以爲先生憩息所矣而亭之上
山勢時聳俯瞰羣山皆環列拜伏其下先生思親望
鄉之心勃鬱於中無以自寄乃自築土一區若臺然
少暇輒登望白雲以寓思况精神嚮往恍若遙對尊
嚴慈於數千里之外焉噫先生之懷苦矣癸亥仲秋
徐子偕先生遊青山登斯臺因憶吾邑有西陽嶺昔
人別友於其地賦青山白雲之咏至今傳誦鐫石不
朽夫古人思友如此而况先生忠君愛親之心寄與
是山又與昔人之題詠者若合符節乃捐貲命工築
室三間題曰白雲精舍蓋取狄公望雲之義以寓先
生臣子之衷也舍成先生登青山望白雲其忠孝之
心固有以自寄而後之人登青山拜斯舍者其忠孝
之心不亦觀感而有興哉維時同遊約谷陳子在坐
以精舍之築不惟可以寄先生之懷其有裨吾邑風

教多矣爰命書爲記而繫之以詞曰惟山有松勁節
凌空惟山有泉令名屬公惟山有雲瞻彼昊穹惟山
有巖仰止攸同嗚呼先生之風忠孝之衷與山竝崇
永世無窮

烏蠻瀧夜談記

前人

世稱蜀中峽粵中瀧余未遊蜀未獲睹峽狀迺今遊
粵渡諸瀧真誠江道巨險卽亡論府江險最甚其在
左江諸瀧若烏蠻瀧其著者也歲戊午冬余時以入
戍遡流而渡越庚申秋余從戍所出送家嚴君至蒼
梧出而順流入而遡流合往還爲一渡焉又越甲子
春轅門檄余探海徼倭寇事迺又從戍所出渡蓋七
歲中三渡險瀧幸無他患苦良嘆奇遇哉良嘆奇遭
哉於時余挾橫槎仙子陸生者登謁伏波祠夜泊烏
蠻瀧上談漢事笑指岸祠謂曰若觀此公作何狀夫
逸夫之與豪傑士未易同日語矣彼所爲窮堅老壯
斷斷赤心報國真漢奇男子若屬元修逸適無意人
世事乃亦過式斯祠乎陸君曰噫蠖伏鴻翔誠當其
時可矣風流遷客何遽惱人如是余又笑謂曰若胡
迺殊時論耶夫嚴子陵馬文淵斯二人蓋同光武時
然子陵委志高尚就徵不屈思以其身挽世靡競之
風而文淵垂老功名屢請出塞至不憚冲炎涉瘴以
身殉國夫斯二人雖殊趣迺迺其致非由一轍者與子
陵當仕而處以矯貪文淵當休而出以矯猾世之微
寵避難者視二人宜婉死焉夫談理性者類擯其人
爲未學然彼豪傑士顧又莫能效嚙拾藩依樣畫葫
蘆云陸君者王陽明子之徒也聆至此而蹙額改容
余復曰王先生自比伏波旣建社稷功猶不辭思田

之役雖委曲招就諸點酋尚稽正法獨其憂國奉公
効節不顧私良無異伏波武溪事云屬者安南不廷
皇赫斯怒三將軍臨關按兵承望相指無能當上任
使者然無事後謗忌迺於是益信王先生所為非顧
毀譽計利害者即其學非空談比矣陸君曰足下不
聞灘聲乎夫今淙淙奔湍聽之若激而覽觀之若飛
舞者彼其中有不能平也然而巨險迫人焉自古功
名之際蓋難處矣故為嚴陵則易為伏波王先生則
難走故烏蠻人敢忘烏蠻巨險哉于休矣談無所用
之矣乃相與假寐舟中明晨北發與之舍而談逸遊
事

南寧青山記

方瑜

青山去城南十里羣峯崒嶭截然於邕水之上崖壑
林塘遠近映帶前岡橫起怪石錯列如蹲如伏莫可
名狀石竅間泉灑灑流出峽勢旋轉以扼江口百川
狂瀾為之底定毋說荒遠足稱奇勝歲在戊午幼海
董公以正論忤時被謫來邕日與好事者杖履同游
每至青山輒徘徊終日不欲遽去由是巡泉徐公與
郡之長吏知董公之意不擇地而安也乃協謀相役
因山之坳築亭一區循石洞而上海天曠闊一覽無
際名曰洞虛亭著所見也橫蛇之下構室四楹白雲
卷舒時堪望遠名曰白雲精舍著所懷也鑿石引泉
注之於池鏘然有聲可鑒可飲池上之亭名曰董泉
著所得而專也游宴憩息之具漸次告成至是邦人
之來游者目新所未見耳新所未聞莫不咨嗟嘆慕
駭然於瞻望之餘而董公則又陶然以樂自信為青
山之主矣噫當困抑之時而抗思於烟霞之外居荒

遠之境而寓跡於山水之間自非超然卓識浩然正
氣涉閱之深學力之至未足以及此所謂素富貴行
平富貴素貧賤行乎貧賤素患難行乎患難素夷狄
行乎夷狄於此有焉若董公者可謂之賢也已余孤
蹤累行斥守遠郡既幸遇董公之賢而又得與於山
川登臨之美有餘樂矣作古詞三章饒之石壁以寄
吾不盡之懷詞曰山之椒兮石洞不局有亭翼如兮
臨星辰覽八荒兮何嶢嶢天之高兮海之深一山之
麓今朝氣英英茅堂隱約兮窈窕而冥欲雨何時兮欲
歸何心吾亦同情兮白雲之村二山之泉兮汨汨其
流清氣灑然兮冷如秋濯塵埃兮解煩愁迴俗駕兮
莫之與謀三

竹味庵前記

原為山房

陳瑾

余家青山泰清峯下半里許有峯若蛾眉山勢曲抱
水石幽鬱別一洞天白塔巖起諸巖再當其案大江
橫流其前山頭峙孤塔山脚巨石側臥泉出石罅甚
芳冽昔余尋泉源得此泉應屬余因名鄰玉山腹方
平圓整廣可五丈修稱之余買山初得此地有在家
應僧章某者適贊成之問之無他能特善種竹乃作
芟舍供觀音大士覆屋用茅聖壁用泥幕廳用紙環
屋唯栽一味修竹遂顏曰竹味作庵之明年竹高於
石風來竹與石鬪雨來石與水鬪僧曰是宜閣乃就
庵石作小閣跨之團團如甕因寄興於志中所謂銀
甕者顏之竹石相戛水聲淙淙庵景之絕奇處也左
方石亦奇竹稍疎石稍禿昔人遺有窪樽鐫有碁局
暨掌跡足跡古榕覆之據石而飲以酒注窪中可以
對局消憂稍東有小亭亭去石不數步隱隱露竹末

中更奇野梅數株春時老幹疎花香雪片片為梅塢
下為白蓮池為林田為蒲溝為蒲橋皆庵前逸景也
周遭圍以青松池外荒塘二畝蘆葦紛披菰蒲菱芡
之屬積其內大有野意度蒲橋右轉而上乃值銀甕
山房以竹閉之也前後皆茶畦引泉一勺於山房下
植桂其旁似卓杖而成者洗鉢滌硯皆宜旁穿竹徑
而下泉鳴石上多產九節之蒲可供採擷回顧兩巨
石橫泉上若雙闕然就坳處砌為山門庵後為山樓
烟雲出沒松竹隱見名破雲閣取唐人松頭穿破雲
之句是宜遠眺自山腹至路口小石門一帶幽徑皆
密竹相引竹味中人取物甚精用物甚膏於泉取一
勺於室取一斗於書取單條於字取獨幅於瓶取如
膽於鼎取如拳小小過活儘有意致僧又精於理竹
且有焚修之意名以庵屬之嘗與逍遙竹下有客過
庵中談僧曰謹避其鋒余曰請參竹味談者茫然遂
為庵中一案

海棠祠記

吳時來

海棠祠祀宋臣淮海先生秦觀也在橫州郊西之海
棠橋側即先生故所寓地後人高先生之風為亭其
上又改為書院實於祀典未載初橫人以先生風義
有益於其鄉之人合祀於時祀先生於鄉賢議者以
事先生不宜以鄉乃又祀於名宦既又以先生編管
也處非所據於神未安二者皆非所以康先生也推
先生之志即生而血食之將舍而棄去復奚後之祀
不祀美耶從後觀之謂先生為橫人可也莫土非吾
也謂先生為名宦可也人有餘思也嘉靖己卯南海
高君士楠來守州事因亭宇圯壞方積需謀為修之

適先生之後人有秦某者以靈山丞過橫復以請於高君乃爲之立棟宇築垣牆將迎先生主祠其中於是議專祀今之論先生者曰詞人詞人甚又沉迷禪旨以寫佛書爲微者所乘致流竄無寧日吁誰從而論先生之世耶先生初爲編修與蜀黨諸君子忤時宰章惇輩乃御史劉極承意劾其修實錄詆誣被謫處州實與范祖禹諸人同既而以寫佛書徙柳州既而徙橫州徙雷州蓋憂憂乎靡有寧處唐宋以來高明操厲之士半入禪家而趙清獻二蘇公黃魯直諸人乃其尤者豈學道未純而好高異之心易投難拔亦不覺其深入與及觀逆旅集海棠詞有本無本等語乃知先生之參禪皆其居困之時借以解外紛以舒其抑鬱無聊之意而實未嘗有害於吾道也若致患之因卽不寫佛書其遷徙猶是也不觀元祐碑中諸黨人寧獨少游耶

烏石書院記

前人

有山於此不百尺而高不一里而遙坐而眺遠山四面蒼色自遠而來前有萬頃之風波晶晶漾漾若隱若見於林樹間對城而廓處野而奧以吳子之好遊將爲家於山水之間博采旁問求其會我意者不可一得此則最愜我意當眼舉趾經歲而又不能得斯又非可怪事邪己未之九月返自朗寧病橫人之不麥也將教之麥課兒輩麥於西郊見叢莽中有若高丘乃與諸徒披莽而入棘裂我衣石滑我步亦無可見遂下明日空齋中忽望寶華峯不覺清風翼其步白雲前其驅不戒僕夫將乘輿而往南至橫江未及渡輿輒盡乃牽兒子戲跳於灘之上循西行經烏石

嶺而返又明日北出把兒臂行眺龍起之池又以荒穢意亦不在又循西行望烏石嶺而返又明日又西出忽語僕夫曰曷不剪荒伐惡以舒我視果而荒翳一除有美皆出寶華屏其前古鉢枕其後東城西山鳴禽躍魚爭巧獻奇於樹林陂塘之間若有以逢迎我者於是日至又日至焉步既厭景亦難窮始怪得之之晚以問之心心既莫知以問之山山又不答聞古之擅勝槩者必於深山窮谷跡所罕到後出爲奇此乃不凌高探深其奇又若此豈以後出者予我歟如必待至誠篤好舍我其誰且又遲遲踰歲若彼其難卒乃以無意得之將造化者祕而不輕其出歟士君子俛仰宇宙登山觀水夫固寄意焉耳意苟至則拳石勺水自足怡悅苟不在雖牛山瑯琊感慨生悲噫安知天下之佳山水不有沉埋於草莽之中而不易自見如此山者歟爲記以幸此山之遭又示夫好遊者不遠目前莫不有佳山水在焉

遊空洞巖記

前人

空洞巖昔未名以近瀝塘村故亦名以村庚申夏五月董子以候其尊人海觀先生久不至因與吳子謀放舟結纜橫之巖洞丙寅泊清江適衛侯范贊軒暨余妻父幕峰先生躍馬攜榼遵江許而來也從東望之一山葱蒨長石巍然有竅如大甕側麗江溪乃范侯命道散步往觀有衆塔然相隨洞門北向劃如廣堂童歌初出鳥雀飛鳴一山皆應仰盼東北天隱高啓晶然射乎洞中者納三光也既坐而飲涼風漸生脩然墜於杯中有波浪無痕跡者石乳零也其西爲角門旁分二歧一蹙一平其平轉東有石棧如步欄

長十步許有石扣之如鼓鳴其森立乎其中者石笋也棧道既窮油然有石如龍舌下垂梯之而上暗閣玲瓏鼻口呀而腸胃豁則爲諸竅之總會也東十步漸廣有光得一洞門中有石柱孤撐互巖上下亦有半地可列三四席命之曰賓陽門也少轉有鳥徑可扳躋高頂甚蹙從角門如複道轉折踰蹬可二百步高得一穴有石可坐下觀青壁斗絕眺望遠山鳥蠻古鉢列侍左右躊躇其上薰風初動香氣芬勃如羽人登雪竇凌雲門乘空虛而上遊者對斗而望命之曰朝天門由石步下另有一穴偃偃而進視朝天門微低而斜聞人語如隔壁命曰小天門少上另有一穴可望不可及既上其頂則見州城暨遠近諸峰而江水滌洞如青帶之繞其美也如此於時范侯曰夫四人者足跡所及巖穴非少而盤旋窈窕層樓疊閣宜未有若此巖也於時先生曰盍詩之於時董子唱各從而和之蓋不覺人心與地相忘詩懷與酒俱壯則又慨前哲之罕至而嘉名之未昭將據其實曷爲不言空洞僉曰誠然空洞也乃范侯曰何幸而與茲遊幸既表而出之儻緣以聲於天下吾橫人與巖世以拜子之賜吳子喟然歎曰茲巖之空洞也抑吾人自有空洞不時而窺不斧而藻不鑿而大通而吾與君未始遊范侯請其旨余曰遊何容易遊何容易著其端以俟夫好遊者觀焉

雄龍山記

陸應贊

余性僻慕道好遊一日攜家童繇鬱江而上抵龍母灣越茶山轉大王岡循林溪以進遙望一山獨聳而萬山擁從遂涉小溪者六竹木覆徑攀龍鬚同登近

頂蓋亦西南隅突然雄峙者邪返觀絕頂以來如天馬萬萬從空而降雲擁魚隨委曲上融爲是突然者是突然者巍巍不動忽化而爲飛龍焉宛轉背頭角崢嶸厥盤於左腰尾活潑厥盤乎右盤餘爲長岡咸界以流水隱隱轟轟然以鳴合衆澗而朝宗於欽海也龍心寶石如層樓如瓦蓋之傾繇傾以下削壁百尋壁中處底深奧漸大十三疊儼若普陀巖北風驟雨所不及左右石抱攬若馴龍若伏虎巖中坦爲雲板約方丈將命石工鑿擴石室室成於斯坐臥焉嘗食其間崖滴微甘泉僅足一日用陰雨時樓簷傾盆會巖前小方池下峻破四級注石溝石井盈科以流可洗可浴就烹石花茶飲焉既睡素雲皎月透戶穿牀更南風悠悠然乘夢以遊六合旦興則白雲徧青林緬平如掌莫知其爲海爲天耳少焉淨目測丹輪窺翠嶂俯瞰兩側山繞列如菩薩後羅漢然獅子象王咸肖前五重巘譬五老輩拱余皆弗別其爲真假聽之則瀑布渾林風嘯猿應幽谷鳥鳴獸吼攪喧宇宙余固返聞乎寥天一也村夫野婦每憐山人攜白酒黃鷄則共歡盡醉叱去已而濯清泉眠盤石萬象中獨露全身然則雄龍之境正所謂峩峩聳削鬱鬱長林鳥獸鳴咽水石崢嶸風枝蕭索雲霧氤氲節物衰榮晨昏眩盈斯之聲色與彼市廛闐闐何異何同吾烏知古人識道而後居山乎居山而後識道乎夫未識道而居山見山忘道也居山而識道見山見道也孰爲道孰爲居在好遊者悟焉

新建四都營記

張佳引

百粵維據自先秦以來尚矣唯邕州稱爲沃國竊伏

海隅其勢則維陵廣枕塞兩江給軍三筦嶺海一都會也明興百七十載德澤既渥威武覃宣四境之民安於覆盂臻臻乎禮讓之風至於道矣近者上下陵夷民日刈敝四楚荒蕪室廬多空去昔不亶十三四矣說者咸以爲內遭蠹政外遭寇患其然哉夫蠹政余不知已所謂寇患棘於四峒亡亦蠹政之所激歟夫四峒在唐爲鉅縣距邕二百餘里山谿深阻叢林疏谷其民素土著耕種其地饒金漆羽革楠桂蕉蘆之產亦足以資生殆非饑寒所逼不得已而爲盜者或者謂無法以羈縻之邪夫以撮土之區而介於土流之間我固視之爲化外之氓矣安得而以法罔之乎且其俗尚剽悍往往藏亡命爲奸煽惑鼓動鮮有固志故嘗附離二州土官則亦睥睨其土地之利而輒爲吞併互相爭奪兵連禍結歲無寧日天寶厭之維時嘉靖己亥秋適安南不共上命總制兵部尚書蔡公經按兵討之授以節鉞便宜行事公推副憲翁萬達擅軍旅才獨任其事方時論洵洵邊釁騷恐變生不虞翁公言曰春秋之義無遂事不寧方來今內治未修而遽數勤師於遠何以取敵良以兵曰誅要害將經國振民而默寓夫耀兵尅亂之謀也以是先聲所至無不赫然風靡項之有峒民黃綱者率其徒黨千餘人首先效款歸奉以其地輿圖願編戶率爲王臣乞貸不死公以峒民不道而多其義以狀白軍門案郡守郭公楠議復其業衆躍踴驚憚俛而泣下幸得更生盡取諸峒編爲戶改其峒名爲都曰武黎都曰華陽都曰水口曰涉水都曰吳從都今都各有長以十家爲甲甲有總五總爲保保百長以約於

都長自爲鈐制而又專設判府一員督備揮使一員加意撫禦之由是乃築營垣建官舍分戍守定疆界正賦役其土地人民一隸於邕俾二州不得以凌虐一切寬之至立學社以教其子弟漸銷其頑鄙之習獎其善懲其不率甫年而奸宄息田里辟商旅通嘻嘻然吾邕之民矣外史陳伯言曰嗚呼孰謂峒桀驁不可以馴化哉悲夫吏茲土者視其地爲甌脫而虜使其民也公功顧不偉歟是以卽其風之所自陵人聞之登庸震悚詘伏袒跣繫項以其國降猶峒民黃綱輩也詩云蠻荆來威其信然歟余與翁友善知公之爲人勤敏知機雅好談兵議論風起事事不避艱險嘗破藤峽靖思恩遺不朽之功芳名顯譽蜚騰宇內然方篤於聖學益得其本矣

孤鶴亭記

徐浦

邕州分署之右有隙地數畝遂約三十丈幅僅五丈無名花異卉臺榭林沼之奇且居寢漏後賓客從遊之所不至先時陽明先生奉旨征田州駐師茲郡構亭演射扁曰射圃亭嗣是來官者去住不常亭遂頽塌卽有久寓邕者亦多羈縻案牘無暇登憩甚至自蒞官初至遷秩去足跡未嘗入者歲久蕪穢鞠爲荒莽嘉靖壬戌秋予承乏來此因舊址葺垣楹公餘箕踞坦腹焚香掃几獨哦其間用澄俗慮繼而有遺予孤鶴者養成馴擾從人遂以名亭良辰勝日著屐曳杖逍遙亭中惟見孤鶴飛鳴舞啄若解人意撫而樂之至忘昕夕故雖吏事旁午胃臆無奇然草亭閱寂素影踰躔月夜則積水空明鶴聲朗嘑無異山林間清致豈非達人澄懷觀道之一助乎舞鶴產自中

洲於西粵罕觀茲幸有之非奇歟主人坐斯亭觀斯鶴對景含毫瞰幽引眺其翛然塵外之趣當有與鶴相忘者杜少陵味鶴一詩其形容精矣予奚容贅爰記數語以識命亭之意云

心遠亭記

前人

凡好游適林樹與獲其幽勝境者大都曠逸之夫而仕紳鮮邁焉至其密邇治所者尤少卽有之或迫吏務執掌聽斷籌判不少暇閒就休沐一過從聊假宣洩湮鬱要非其廓衷所真好也嗟夫爲理之貴適尚矣託象遊神翁張時措靡不有圓機然匪超敏軼塵之倫其疇能辨諸粵西巡泉治廨其在邕管者殊僻隘迺後僅圖數畦逼市氓廢舍表達衢巷官私竝屬未穩頃者臺石使君屬邕守捐贏金買其地爲闢荒徑植卉竹結亭其間鬱然敞茂氓所遺園故有林木使君且嚮意增闢之於是泉廨之幽勝殆亡異曠逸夫所邁矣亭仍故圃而新者以放一鶴名孤鶴亭環以慢林之遂名留陰使君業自爲記矣其在衢巷之亭歸然爽塏名之曰心遠蓋取陶淵明人境結廬心遠地偏之語歲甲子竣工屬余爲記余惟使君高材敏識庭無滯案經略封寰之際時時操觚染翰坐亭中攄幽暢之懷偕翁張之叟醒然神遊滿腔春意其所爲覆澤斯土者匪專徇象假合云爾命之心遠良協化機遠而靡忘邇而罔世斯心應迹昭矣獨亭乎哉抑余追景往哲而有慨乎中云夫淵明業遂卷懷遭時改玉雖已寄興沉冥猶稱心遠宛然戀主赤衷世之高淵明非爲其逸也而或以避喧近達者謬矣若使君出自掖垣握符風紀激揚攸寄胞與鍾情其

所萃萃思務規恢仰宣主上德意旁暢遐壤隱憂又豈能匏繫轍迹徒自舒形適志於幽勝間哉以故略寰中之詭奇而稱述先民之心遠厥指微矣然則心遠名亭惟使君輩爲宜卽以標山澤之壘然悠悠忘世者不可也作心遠亭記

清風館記

前人

邕於粵爲雄郡居上遊而風氣文物之盛儼跡中朝然地瘠民獷語言譯鞮遠城府百里卽通負山谷若非聲教所及我新安暉山方翁膺簡命來守迺先之教化講明正學大義刻一齋日記等編以作率與士故民翕然嚮風稍稍若於訓諭而邕大治蓋翁以直道屢屈於時既轉南曹則譽望益深計擢應貳藩臬乃拜邕守時論咸撫惜而翁則歡然就道及抵邕每圖思焦勞救弊補偏興革庶務或至不遑啓處夕方退食乘休暇命童子伐翳芟剔荒穢乃於郡治之北得隙地開曠廣不盈畝而聳然突兀高阜平丘龜蹲蜿蜒俾藝治之芟夷之始見其中石甃土脾頽然半蝕鉅跡苔封蓊蓊藉藉維於荆莽之中亦不知其歲月幾何矣既疇諮故老相傳以爲宋人所築清風臺舊址然不可考矣翁嗟悼良久遂劃然喜曰清風吾故人也吾館於斯舍於斯則清風與吾當爲賓主而臺之興復舍吾將奚適乃命工斲竹木治陶甃構以成翁自扁之曰清風館夫臺則人所林林之地其爲義廣博清風主人恐不得而專之謂之館則旦夕與聚作息動靜咸於是乎游衍是清風固可居然得也夫清風不能自爲賓得翁之退食從容而飄然徐來則其愜情性和衷素解慍阜財豁然物表以詠以觴

優游成趣幾不知天地吾身之孰爲大小而何有於物我形骸行藏失得之橫擾哉蓋披吾之襟卽與之俱忘矣翁爲主於內清風和於外是以寵辱弗驚是非無伐循性而行隨寓各適今日守邕之遐荒絕域不啻守州南國之安他日紆金緋司將帥當諸侯之貴而翁亦視若固有爲也翁德盛自然豁達容物充裕不校使人人可親粹然有道氣象其獲益於清風不既多乎夫風於易爲巽巽主德人故風能悅萬物然則斯節也其廉頑立懦之澤又當在百世之下而使人興起落成翁命楮師墨卿呼余進之曰吾與清風爲賓主然介紹而傳命者非子歟其爲我颺言之以代我債相之義余謝不敏敢請於賓復於主人皆曰諾然後書之

欽定古今圖書集成方輿彙編職方典

第一千四百四十六卷目錄

南寧府部藝文二 詩詞

軍師凱旋自邕州順流舟中 唐李嶠

南中 王建

度崕嶠關 朱陶弼

登崕嶠臺 前人

鼓角樓 前人

永平寨道中 前人

早登崕嶠臺望戎兵北歸 前人

三公臺落成飲其上 前人

秋日登南城臺 前人

登春野亭寄桂師潘伯恭學士 前人

寄羅秀山嵩禪師 前人

被詔權刺邕管 前人

思甘泉水寄通判景範梁屯田 前人

浮槎館書懷 六首 秦觀

遊鉢山 徐安國

寶華山遊 前人

月江樓 前人

龍池塘 前人

月江樓 賈成之

上元寓橫 明解縉

崕嶠關二十韻 謝少南

南寧書所見 前人

渡烏蠻灘行路難 湛若水

僊槎亭 即登高嶺 任穀

遊白雲精舍 四首 董傳策

羅山紀遊限韻 三首 前人

渡烏蠻灘 前人

南寧 前人

青山構白雲精舍 前人

山房晚坐 陳瑾

青山廢寺覽古 前人

九日最高臺散集 前人

青山寺同友人護梅 前人

青山竹味庵品玉泉 前人

入感果寺 前人

中秋前四日集最高臺分賦 二首 前人

弘仁寺 三首 前人

登最高臺籌邊樓 前人

遊青山 吳時來

初到橫江 前人

火烟石 前人

遊白雲精舍 徐浦

詠董泉 前人

清風館 鄭豫夫

閱視南寧城 前人

橫州夜泊浮槎館 張佳引

海棠祠 黃衰

四都漫興 張貫

秋日偕張元靖遊橫之南山 朱紹昌

晚秋登望仙閣 前人

遊羅秀山 二首 前人

青山苦雨 前人

春日招同人遊彌陀寺 前人

舟過青秀山訪歸元上人 前人

晚秋陳白岳邀集望仙坡 前人

題陳白岳青山竹味山房八詠 曹學佺

泰青峰

竹味庵

銀甕山房

鄰玉泉

秋田

菖蒲溝

茶畦

碁局僊蹟石

登南寧鎮江門

送郭世重出守南寧 以上詩 許天錫

海棠春 海棠橋春曉 宋秦觀

阮郎歸 旅况 前人

醉鄉春 題海棠橋祝生家 前人

前調 前題 以上詞 唐均得

南寧府部紀事

南寧府部雜錄

南寧府部外編

南寧府部藝文二 詩詞

軍師凱旋自邕州順流舟中 唐李嶠

鳴鞞入嶂口汎舸歷川湄尚想江陵陣猶疑下瀨師
岸迴帆影疾風逆鼓聲遲萍葉沾蘭槩林花拂桂旗
弓鳴蒼雉落劍動白猿悲芳樹吟羌管幽篁入楚詞
全軍多勝策無戰在明時寄謝山東妙長纓徒自欺

南中 王建

天南多鳥聲州縣半蕪城野市依蠻性山村逐水名
瘴雲沙上起烟火雨中生獨有求珠客年年入海行

度崑崙關 宋陶弼

關路下崑崙蠻封迤邐分春光偏著草雨意不離雲
俗異君修德時平將用文臨溪照綠水老鬢雪紛紛

登崑崙臺 前人

落照古城隅邊風動隼旗久間忘戰略多病熟醫書
老髮隨年短新情與世疎桃花春水煖誰釣舊溪魚

鼓角樓 前人

去歲同登畫角城諸蠻未滅夜談兵五更將吏知人
意吹作梅花塞外聲

永平寨道中 前人

疊嶂深千里窮邊今一隅北風家信息南斗客程途
嶺勢頻開合猿聲乍有無過溪人語笑隔岸成烟孤

早登崑崙臺望戎兵北歸 前人

春風歸未得默坐廢臺閒居易衷腸結安仁兩鬢斑
蜂衙新藥去燕引舊雛還帳下誰更戍旌旗出亂山

三公臺落成飲其上 前人

北原喬木外三將舊屯營草沒金鎚蹟山應玉管聲

路隨關地起江背瘴天傾異日誰相繼來書第四名

秋日登南城臺 前人

江國家書少秋臺寒草生無人來遠渡盡日上高城
落照懸魚市孤烟起戍營東園故籬菊又向酒中傾

登春野亭寄桂師潘伯恭學士 前人

二紀看花瘴霧中野園今日又東風人心有感時時
別春色無端處處同長笛一聲諸曲盡巨觥雙飲百
愁空風清水煖羣魚上誰問荆溪下釣筒

寄羅秀山嵩禪師 前人

尋山入羅秀旋結草堂居花露生瓶水松風落架書
聞猿得句後見月出行初此夕雲林下無因夢使車

被詔權刺邕管 前人

滿目湯湯分嶺泉早秋時候晚凉天稻花斑白初經
雨竹色丹黃薄帶煙安得孤臣能慮患不勞明主重
憂邊東坡故老知誰在望我車塵若望僊

思甘泉水寄通判景範梁屯田 前人

二井鑿通千佛塔七源流濟萬人家池心不動青天
色井口常飛白雪花見釀宜成殘臘酒聽煎尤焙早
春茶歸時覺久添新歲羞向清寒照鬢華

浮槎館書懷 秦觀

揮汗讀書不已人皆怪我何求我豈更求聞達日長
聊以消憂

二

魚稻有如淮右溪山宛類江南自是遷臣多病非干
此地煙嵐

三

南土四時盡熱愁人日夜俱長安得此身作石一齊

忘却家鄉

四

洛邑太師奄謝龍川僕射云亡他日歸然獨在不知
誰似靈光

五

身與杖鳩爲一對月和影成三骨肉未知消息人生
到此何堪

六

寒暑更拚三十同歸滅盡無疑縱復玉關生入何殊
死葬蠻夷

遊鉢山

徐安國

郡嶺中推鉢嶺尊山川羅列掌中存亭臺突兀聖婆
廟丘垤逶迤山子邨旌節拂開松日影輪蹄蹙踏石
雲根堅珉大字書靈蹟爲拭千年翠蘚痕

寶華山遊

前人

秀出城南號寶華翠微深處衲僧家百年臺榭歸煨
燼一徑蒼苔點落花

月江樓

前人

曙風披拂瘴煙收獨倚危樓豁遠眸萬疊山圍城堞
古一灣江抱海槎浮

龍池塘

前人

爲谷爲陵事已非靈源匯澤發光輝有時風雨連村
暗夜半龍遊古鉢歸

月江樓

賈成之

橫槎三月江山東風浪縈紆接天綠郡樓新建插雲
飛盡日江山對雙目

上元寓橫

明解縉

去歲元宵捧禁闈午門賜宴敞彤扉教坊火炷天星
合光祿盃中雨點飛舞罷更催新度曲醉歸未省濕
朝衣寧知此夜扁舟客閒聽春田社鼓歸

崑崙關二十韻

謝少南

仄足崑崙上巋然虎豹雄峯凌萬石出關闢兩峯通
先旭蒸霞紫遲昏閣靄紅地高南逼斗山遠北連空
絕壁含槎古飛巖拂草豐泉聲千尺底樹色百盤中
嶺竝驚鶯站林皆掛猱叢縈紆回鳥道劍鑿啓鴻濛
峻陬防旋馬淳窪忽起虹未能尋隱穴徒託祕僊宮
越路標重險交邕挹下風蒼梧虞帝轍銅柱漢家功
僂建無前敵梯懸失仰攻威儀深組練氣象表巖熊
殘壘傳儂寇潛師憶狄公時平談往事世久罷屯戎
商旅宵無警樵蘇歲有終海夷從入篋巢鳥不傷弓
裔微藩垣壯中華界限崇聖明要服化吾愧播文同

南寧書所見

前人

邕管真堪賦江南恐不如橘奴金彈密荔子水精虛
海錯羞方物山蕉入野蔬無論寶玉賤魚米自宜居

渡烏蠻灘行路難

湛若水

行路難兮難於上青空龍門蜀道無乃同千石萬石
羅劍鋒一望箭括不可通急水屈折流其中水底礫
礫如伏龍倒瀉倏忽疾於風猿啼鳥喚聽未終舟人
不暇辨西東長年三老難爲工行路難兮難於上青
空我驚世路悲轉蓬夷險變態不可窮意輕人命如
發蒙翻覆雲雨仍從容又何必瞿塘灩澦突兀如象
方爲兇

僊槎亭

即登高嶺

任穀

歸休甘分老橫槎便愛槎亭可作家僊客不來邀皓

月素郎長是對黃花靜懷往事樊籠脫坐挹西山爽
氣佳惟荷君恩慚未報幾回有夢過東華

遊白雲精舍

董傳策

青秀山中青秀好白雲臺上白雲遙乾坤萬里東海
折滄嶼三秋北望勞自笑羈棲過狄轍誰憐落類
莊瓢達觀好攬瀛寰勝漫向風煙悵寂寥

二

江流林靄亂城隈萬疊蒼然入望來銅柱瘴生青海
戍銀橫秋斷白雲臺思親望遠關河隔報主恩從雨
露培落落此山幾七載壯心漂泊重徘徊

三

幽懷兀兀憑西粵精舍峒峒拱北辰傲吏幾分青玉
案羈人空負白綸巾天橫銀漢雲生岫松落金甌石
響津清世游閒隨處適休從殊域怨沉淪

四

層臺縹緲鬱青葱大廓浮生又此中嶺外秋光還自
好天涯心事許誰同峰文畫鎖江皋雨水響宵分松
塢風遊子好遊偏繫縛幾回虛聽客城鐘

羅山紀遊限韻

前人

藍輿迢遞躡雲林碧落霏微散午陰蘿實拂衣開鳥
道松風披雨動龍吟丹崖青壁寰中景竹杖芒鞋物
外心煙竈不堪迷古刹誰憑山谷問升沉

二

炎岡岑鬱俯壓寰宇松青羅秀山怪我好遊頻對
景憑人躋勝一開顏雲飛石棧千峯裏風散林烟萬
壑間懷古却看迷望處遙憐銅柱聳南蠻

三

雨餘烟翠濕空林萬樹扶疎斷夕陰野曠居人迷豹
跡風高遊子亂猿嗔上方寥廓摩鐘蠡下界微茫辨
佛心歸聽恍疑光霽在相看天際月沉沉

渡烏蠻灘

前人

巨峽奔騰倒石根嘯猿啼鳥失山村飛湍欲躍雙蛟
出疊壑俄驚萬馬掀江客孤航風夾浪篙師十月汗
翻盆明時漫復愁荒微彝險從知古道存

南寧

前人

鬱江盤折注炎壤邕管蒼涼樹藝荒村女趁墟簪菜
蒴市擔包箬載檳榔日消池霧萋沾碧風撥山雲袖
染黃達舍彎弧空好在猶驚搖騎析聲長

青山構白雲精舍

前人

誰結白雲窩誰作青山主秋生江上風人向山中語
泉君有好懷郡侯肅至止而我雅好遊結廬聊憩此
高岡抱平原背峯面江渚雙峯左右肩江流環且聚

臨眺豁景光良維醒心處前有混混泉清若冰壺注
清泉注不舍脈脈潤江樹隔江帶羣峰煙霞換晴雨
堪輿自無垠山水互流峙中有遊山人觀水領真趣

所貴適遊思非必問我汝明時天地寬吾徒欣所遇
願望白雲飛何當賦歸去

山房晚坐

陳瑾

磻戶延山影參差印水漬葉封曾到月花宿舊屯雲
十步溪廻折千林響續分微微清籟發散展亂松紋

青山廢寺覽古

前人

石壁題名遍雲封古磴斜峰銜爭嫩蕊鹿臥藉寒花
水碓猶春雪松房半宿霞巖前僧定處占作野人家

九日最高臺散集

前人

側帽倚丹梯龍山興可齊憂時唯泛蟻閱世畏燃犀
俯視千峰小平臨萬竹低昔賢拖屐地花徑自成蹊

前人

屋角吹香細孤清却易撓世應憐未入禪亦愧能逃
月夕坐無倦水邊吟獨勞欲裁高士傳不是慰牢騷

青山竹味庵品玉泉

前人

泰清之東鬱水之汜厥石有泉厥色玉只蒼雪琅琅
冷光時起日暖川溶煙橫氣紫於有人焉方漱其齒
泉空且寒鑑空於底僧言茗供中冷之水分餉百壺
竹味如此

入感果寺

前人

竟日不能到重重聞水喧人逢猿領路僧以寺爲村
野果多垂戶山田半在門深嵐當面合幾不辨朝昏

中秋前四日集最高臺分賦

前人

修郭連青竹方樽醉綠蘿語奇翻憾少月近只疑多
宴會難爲集秋宵易擲過江城休下漏猶未了詩魔

二

前人

高處見茆屋到來無一人前汀誰理楫薄暮尚垂綸
添景歸圖畫宜樓壓水濱頽然看我輩格韻也清新

弘仁寺

前人

西江竹裏寺載舫數登臨菜壟家家碧槐陰處處陰
僧雛尋落果佛頂污飛禽隔市何紛擾輪予獨坐心

二

丹閣懸清渚中宵月魄低江澄烏影度村靜豹聲啼
秋水浸朱檻歸雲宿畫隄香林起唄梵分響入前溪

三

法界分身入香臺夢又醒花林飛積雨雪嶺悟明星

月迴江逾白冬深竹更青道人曾息念相對一牀經
登最高臺籌邊樓

前人

木葉臨波欲變秋不堪惆悵獨登樓江迴漲跡迷砂
嘴雲約峰尖點石頭野老醉吟惟岸幘將軍閒暇自
輕裘嶠南薊北艱難日誰放頽顏得破愁

遊青山

吳時來

古寺雲邊一徑逢巖頭高仰化人蹤巖旼石勢飛泉
上黠露郊城樹色中秋月半江明法印疎松十里響
元風美人已結名山約吟賞還來信宿同

初到橫江

前人

濯足橫江水爲家又此城雨餘山似拭風息浪初平
石磧沿江靜沙痕傍月清修藏隨所遇淹滯豈無成

火煙石

前人

火煙隔江雙巨石拾初壁立江之側何處漁翁來收
釣舉刀砍水水爲赤刀尖初刺巖石裂刀背纔翻江
水咽至今巖石如紙平揮毫我欲灑滄瀛摩崖不借
魯公筆跪石恐爲蟠谿吟憶昨瞰躡生煩憂每望滄
海登高丘橫河跨海徒夢想十洲三神難竟遊即今
繫舸且浮沉坐向巖頭招白鷗白鷗問我誰氏子豈
亦呂梁觀水者銅柱燕然各有投何如散髮弄扁舟

遊白雲精舍

徐浦

與君登青山凌風陟高臺青山望渺然白雲空悠哉
董君負道氣持節還方回饑食石上松渴飲山中醅
翛然澄外慮與物無忤諧有時發長嘯清籟生八垓
素願祝昇平君臣絕嫌猜眷茲嚴慈恩萬里隔雲埃
臨風懷獨劇清夜腸欲摧引睇何杳茫崇巒接斗台
因之寄遠眺匪以詠物來斯臺寓觀戒精舍山之隈

君暇時一登晴雲天際開浮雲暫點綴太虛自弘恢
羨君撥雲手望雲意徘徊僕幸侍公遊興洽日暮催
驪車不可攀願言復追陪千古雲間客白雲臺崔嵬

詠董泉

前人

石隙鳴泉瀉秋深玉髓流精靈涵太始澄澈潄源頭
出澗施千頃餘波沃九州生民望龍雨早晚此中求

清風館

鄭豫夫

宋家任安撫夏月納新涼清風來臺榭綺琴詠虞唐
逸興歇千載蜚聲畱一方謇予朗寧守詞藻金石鏘
築館仍古蹟浴德爛天荒擊筑卑漢辟披襟陋楚襄
白日展鄴卷素絲紹羔羊逸氣遍松壑輕颺滿銀牀
飛花疑鳳舞拂竹似龍驤北窓臥靖節太上齊羲皇
舉扇障規塵還珠見孟嘗有懷播南薰無心披八荒
兆民翕偃草庶尹歌甘棠賢侯正風化薦剡騰廟廊
么麼文學吏謬織天孫章慚匪宋玉賦幾度結詩囊
閱視南寧城

前人

橫州夜泊浮槎館

張佳引

炎郊春望白雲浮指顧提封一瞬收睥睨青依千嶂
出樓臺聲遠二江流當時銅柱留遺事此日旌旗豈
漫遊敢告邊關司牧者西南輕重本邕州

海棠祠

黃衰

江邊不見海棠花兩岸垂楊集暮鴉路上客尋秦氏
邸橋頭誰是祝生家雨聲怕向愁邊聽風景還堪醉
裏誇駟馬尚期他日過題詩聊且記年華

四都漫興

張貫

憶昔合浦守憂虞四峒侵遣兵常選銳檄誓重兼金
自擬風雷並終然殺氣尋以茲常憤鬱祇恐久浮沉
設險憑樽俎連雲控紫岑門開千嶂合背塹一江深
世亂廢鰲佩魚遊悲釜鬻共消渤海劍更濕廣陵襟
奮火催村鼓田歌雜暮砧中袍辭俚製言語效蠻音
社鬼兒童舞山花婦女簪竟輸公邑稅還識長官心
生意勤春水危檣出遠潯機槍星隕石榆柳市成陰
飛蓋夏初熱行看日在參清樽消旅憾微雨灑疎林
築室古多議苞桑力可任豈惟防草露亦懼竭鍾鍼
戎將身皆膽使君氣作霖恩波揚海北寧復數蹄涔

淪茗疏泉脈呼魚進野舸一龕人外想光影定中牢
春日招同人遊彌陀寺 前人

幽期難復盡把臂入孤岑山影自高下溪流相淺深
遠邨能倦客障日不歸林瞥見招提角將迎有梵音

漸老逢春興不窮朋從於我自西東依尊弱浪無心
白繞樹蠻花任意紅松鬚已移碑影上芟荷猶落水
聲中臨流緩酌休教醉還步沙頭看竹叢

晚秋登望僊閣 前人

鴈影逼天高郊原曠以肅佳節何時去追賞聊云續
高人眷秋爽老至典彌篤緩步把聖音悲歡隨所觸
洵美雖吾土十年幾眺矚山川喜故人不在周旋熟
巒光面面來塔影蕭蕭盡野燒寒煙荒村繞屏竹
遙見沙鷗起素練飛一曲回首故城陰滄桑警心目
北邙多舊識采藻奠奇骨干戈未云已浮生苦彳亍
崐崙萬疊青銅柱千秋兀憑弔嘗睥睨壯心今漸服
樽酒對秋山天風快草木百年曾幾日長茲一醉足

嚴城偶出半屏開一路寒烟醉草萊野鳥尋花啼廢
宅長松帶雨過荒臺憑高易感興衰事觸景同傷詠
眺才歸思欲呼樽酒豁北邙晚吹起紅埃

題陳白岳青山竹味山房八詠 曹學佺

遊羅秀山 前人

游神向太清羣峯在其下自有此山來誰爲長住者
竹味庵

芙蓉秀疊半龕懸靈蹟猶傳葛稚川偶見鹿眠疑藥
圃因聞龍化探瑤泉碑橫宿莽凝煙碧徑積新楓帶
露鮮卜築欲尋山下宅鼎邊妄意夙生緣

欲探世外趣問取庵中僧解種千頭竹其餘一不能
銀甕山房

又

山房少結構團圞似銀甕甕中貯白雲片片堪拈弄
鄰玉泉

僊子何年跨彩鸞千春想像萬峯盤粉雲香散瓊臺
杳丹竈煙銷玉瀝寒信步樵柯忘日晚放懷樽酒餞
秋殘風塵是處如蠻觸自倚紅霞一笑看

泉甘自宜淪沙淺仍可掬幽人坐飲之一飽淡無欲
秋田

山寺連朝雨深江六月濤雲依松徑午夢冷石牀高

青山苦雨 前人

淪茗疏泉脈呼魚進野舸一龕人外想光影定中牢

春來種一石秋還釀幾斗不有彭澤田焉取步兵酒

自擬風雷並終然殺氣尋以茲常憤鬱祇恐久浮沉

九節何當說雙溝垂欲盡流泉春樹間幾迴亂還整

設險憑樽俎連雲控紫岑門開千嶂合背塹一江深

茶畦

世亂廢鰲佩魚遊悲釜鬻共消渤海劍更濕廣陵襟

茗生畦圃內勝自遠方致若逢桑苧翁品不在三四

碁局僊蹟石

片石爲碁局山僧共手談此中迷悟境不許二門參

登南寧鎮江門 許天錫

武號山前瘴雨收鎮江門外水長流一冬天氣長如

夏連日風號只自秋遠思直窮千里目吟懷聊寄五

花洲天荒落日堪惆悵莫上尋邊百尺樓

送郭世重出守南寧 王慎中

朗寧荒絕不堪棲遊客思鄉路轉迷千嶺驟昏知瘴

起四時不斷有猿啼編氓半是居蠻峒行路相言避

毒溪十載播遷仍實遠好憑鬼卜問南鷄

海棠春 海棠橋 宋秦觀

流鶯窗外啼聲巧睡未足把人驚覺翠被曉寒輕寶

篆沈煙裊宿醒未解宮娥報道別院笙歌會早試

問海棠花昨夜開多少

阮郎歸 旅况 前人

湘天風雨破寒初燈殘庭院虛麗譙吹徹小單于迢

迢清夜徂鄉夢斷旅魂孤呼嚦歲又除衡陽猶有

鴈傳書郴陽和鴈無

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

醉鄉春 題海棠橋 前人

喚起一聲人悄衾冷夢寒窻曉瘴雨過海棠開春色
又添多少 社甕釀成微笑半破椰瓢共嚼覺傾倒
急投牀醉鄉廣大人間小

前調 前題

唐均得

老去莫將心惜三萬六千分曉這酒業與詩緣磨未
盡知多少 地下少游應笑笑我狂吟大嚼適意處
便逍遙草間鷄大鵬非小

南寧府部紀事

橫州志晉董京字威輦元帝時避世居橫州登高嶺
秋夜泛舟於江見一仙乘槎而來枝幹扶疎黑光照
人京謁之賜以血食宋紹定間郡守張垓因構仙槎
亭於上按晉書隱逸傳董京不知何郡人初與隴西
計吏俱至洛陽披髮而行逍遙吟詠嘗宿白社中孫
楚時爲著作數就社中與語後數年遁去莫知所之
於其所寢處惟有一石案及詩二篇其一曰乾道剛
簡坤體敦密茫茫太素是則是述末世流奔以文代
質悠悠世事孰知其真逝將去此至虛歸我自然之
室又曰孔子不遇時感麟麟乎麟乎胡不遇世以存
真

宋安昌期皇祐中爲橫州未定縣尉游心仙術曾遇
海豐令胡濟飲紐紙覆器中吐之器動紙化爲鼠飼
之食咀嚼如真鼠又吐之紙結如舊間自出山採藥
茹吐其津膠葉如膏後攜一童往廣慶寺謂僧曰久
聞峽山有和光洞遂往不返僧意爲虎傷率攜童求
之莫知所在惟見石室間有詩云蕙帳將辭去猿猱

不忍啼琴書自爲樂朋友孰相攜丹竈非無藥青雲
別有梯峽山余暫隱人莫擬夷齊後題前橫州未定
縣尉安昌期筆然後知其得道也

通志桂州靈渠故通漕歲久石室舟滯李師中積薪
焚石鑿而通之邕管有馬軍五百馬不能畜夏多死
師中謂地皆險阻無所事騎奏罷之邕州使蕭注謀
啓邊欲以所管蠻峒渠豪討交趾云不用朝廷兵食
詔以注奏付師中議師中邀注難之注知不可遂罷
議會蠻徭申紹泰入追亡者害巡檢宋士堯注又張
皇爲奏師中劾注邀功生事掊斂失衆心卒致將卒
敗覆法當斬謫注泰州安置師中攝帥事交趾聲言
入寇師中方宴客飲酒自若草六榜揭境上具得其
情賊不敢動即日貢方物紹泰懼委巢穴遁去儂智
高子宗旦保火峒師中檄諭禍福遂以地降邊人多
畫像立祠以祀稱桂州李大夫不敢名

范旻知邕州兼水陸轉運使俗好淫祀輕醫藥重鬼
神旻下令禁之割俸市藥以給病者愈者千計後刻
方書於石置廳壁民感之會南漢知廣州官鄧存忠
劫土人二萬衆攻州城七十餘日旻屢出戰矢集於
胷猶激勵將卒殊死戰賊乃少卻病創日篤堅壁固
守援兵至圍解賜璽書獎之所著有邕管記三卷

陶弼移書桂林府蕭固浚靈渠以通漕固不聽至李
師中卒從其言知賓容欽三州遷崇儀使知邕州邕
經智高亂物力彫耗人不樂生弼緩輯拊循至忘其
勤諸洞獻土物求內助弼加意撫之答謝其貲皆感
化無犯邊者屬久雨水將入城弼令民徙居高地隨
率僚吏塞垠江二門爲土囊千餘置道上水從竇入

卽塞之人乏食發廩以賑或方舟儲之水不及女牆
者三板旬有五日乃退公私一無所損弼久於邕爲
邕人所愛戴尤喜賦詩輟跡至處多所鐫詠後徙辰
忠二州郭遠南征弼復知邕州民再罹禍亂散匿山
谷弼率百騎深入峒民知其至扶老攜幼以歸遂帥
官軍臨富良江使弼殿遠不敢渡江班師騎兵相蹈
藉亂行賊隔江陰伺覘知弼殿弗敢追遂賴以善還
以所得廣源峒爲順州進弼西上閤門使畱知順州
州去邕二千里多毒草瘴霧戍卒死者什七八弼亦
疾甚然蚤莫勞軍士莫不感泣竟卒於州

孔宗旦爲邕州司戶參軍儂智高未反時州有白氣
出庭中江水溢宗旦以爲兵象度智高必反以書告
知州陳琪琪不聽後智高破橫州卽載其親往貴州
曰吾有官守不得去無爲俱死也旣而州破被執不
屈罵賊而死事聞贈太子中允

張立任廣西都監皇祐中儂賊陷十二郡據邕州驅
立殲焉立臨刑辭色不變時邕守陳琪亦被執呼智
高萬歲乞求自効不聽竟殺之

馮伸己知邕州治舍有井相傳不敢飲飲輒死伸己
日汲自供終已無恙傍城數里有金花木土俗言花
開卽瘴起人不敢近伸己故以花盛時酣燕其下亦
復無害

馬堅宕昌人也一家父叔兄弟皆以忠勇爲名將咸
淳中堅知欽州徙知邕邕地接六詔安南傍通諸溪
峒撫御少失宜往往召亂堅鎮撫諸蠻及治關隘皆
有條理大理不敢越善闡安南不敢入未平諸峒皆
上帳冊邊陲晏然廣西經略李典上其功加閤門宣